

石泉書屋類稿

石泉書屋類稿卷三

利津 李佐賢 竹朋

行述 行略

誥授奉直大夫廣東德慶州知州 晉贈文林郎翰林院

庶吉士先考鏡秋府君行述

嗚乎府君竟棄不孝等而長逝耶府君身體康強服官十餘載
案牘勞形雖酷暑嚴寒無倦意自戊子旋里以著書爲樂精神
無異曩時乃近歲因風感動履維艱乙未秋猝發痰症遂致棄
養嗚乎痛哉不孝等呼搶莫及恨不卽隨地下願痛念府君居

官居鄉政蹟品望實有堪光昭簡冊者用敢忍痛偷生和淚濡毫質陳梗概以冀大人先生採擇焉府君姓李氏諱文桂字鏡秋號魯村始祖於明中葉自冀強遷居利津四世祖見田公諱登仙達於數學世稱仙去事蹟載郡志邑乘五世祖諱振聲順治辛卯拔貢任陝西涼州衛通判六世祖諱廣生貢生候選州同是府君高祖府君曾祖諱愉歲貢任四川江油縣知縣升茂州直隸州知州祖諱嘉猷廩貢任廣西按察司經歷歷署全州州同柳州府通判父諱華廩貢任湖北京山縣知縣署漢陽武昌兩府同知歿之日鄉謚端恪母李宜人邑庠生諱時公女府

君幼嗜讀尤篤於孝嘗先曾祖之官粵西時中途先大父遽篤疾府君年尙未冠侍疾侍藥寢食弗遑疾賴以痊年二十一補博士弟子員適家貧不能延師舍側茆屋三椽在荒園中地僻而幽府君於是下帷攻苦自勵每辨色起至夜分吟誦弗輟也久之經義砉然喜讀昌黎文故制藝亦淋漓酣暢不以排偶拘歲試遂冠軍食廩餼隨先大父之燕臺從楊雲亭宋小坡兩先生游同學半知名士未能或之先也乃工於文轉嚮於遇試秋闈薦而不售者屢闕是貢成均自甲子至戊辰應北闕鄉試凡四亦無弗薦者丁卯薦卷時主司已擬中尋摘訛字見遺及圻

封墨卷方知謄卷人筆誤然額定已不可易僅獲謄錄府君於是
是淡漠於名場矣未幾補缺史館議敘授職州同援例晉知州
銓選路南時先大父知京山縣事府君請假奉檄過署先大父
訓曰吾家世爲清白吏汝往矣其務飭廉隅令滇民稱汝爲好
官卽所以紹先德慰吾望也府君謹受命至滇時方伯以署任
者經理銅廠未竣委府君暫權當明篆聽政三月尋莅路南州
本任州瘠土也官民皆依銅廠給用接任時前任奏銷甫過銅
礦俱竭而每歲額銅萬觔有奇仍需賠解竭蹶辦公時形乏匱
府君衣澣濯飯粗糲一如未通籍時泊如也婦婦楊鮑氏者撫

幼孤而家素封其夫弟楊憲宗逼之嫁利其資也氏不從訟於
堂府君額獎鮑氏而重責其夫弟氏名節賴以全州屬頻年瘟
疫每疫發傳染徧鄉邑疫後棄棺滿野甚有暴屍者詰其故則
云疫鬼爲祟暴之所以祛之也巫祝邪說久成惡俗府君心憂
之是年值疫復起府君焚牒祭告於城隍神曰神道福善禍淫
民有奸宄當擇而降之罰揆以罪人不孥之理不應徧及若盡
屬當誅是司牧教化之不善也殃咎宜加司牧勿加百姓云云
又出示嚴禁暴鬼邪說親勘郊野浮櫬浮屍不下數千計悉諭
屍主瘞葬而無主骸骨則捐廉置義田施棺木築爲義塚俾無

數枯骨得安泉下自是疫竟不再作州人咸以爲異立生位於
城隍廟以頌德焉後紳耆數十人聯句送行有災瘟不染庶民
稠之句蓋紀此事也甲戌借調他郎迎判去任時祖帳繇亘數
十里紳民等依依不忍別有耆民二人頂酒俯地泣訴曰老民
年九十餘所經官長未有如公者未卜今生尙得再見吾父母
否府君亦爲之淚下云莅他郎未久旋署思茅廳同知篆廳屬
邊地土著夷漢參半夷民藝茶爲業而茶山一司於土官向例
土官徵收茶課外餘茶聽民變價民以爲便繼土官經理失宜
則有奸商爲包山計歲奉租銀於土官凡山內茶禁民自鬻商

人賤收而貴市之龍斷據利夷民病矣商復因其病也重利假
貸盤剝日甚浸至一歲茶價不償一歲利息而民愈困訟紙歷
年山積也府君廉得情判斷永禁包山刊石垂遠夷民沐恩戴
德爲建生祠思茅南界有車里國古越裳舊地也其國主臣服
我

朝改封宣慰司榮以二品官服生殺兵權歸屬節制所屬大部
落十三各有土官主之幅幘千餘里中帶九龍江內接思茅壤
外與緬甸戛于腊猓黑諸夷地犬牙相錯嘉慶十七年緬國與
戛于腊構兵蹂躪車里地該司刀繩武穉幼避居內地將及十

載其族人召彝生覲覬心賄緬國借兵入境詐稱脩好約該司回江爲歃血盟該司訴府君前曰刀氏世守此土十七世矣今式微返將爲虜不返愈示以弱此土莫保恐不能爲

天朝臣矣言訖淚潸潸下府君時莅任甫三月夷情未及洞悉且恐閒邊隙不便輕舉正躊躇際有召得卜翁者宣慰世臣也聞變星奔入告府君急傳見之狀猛惡語啾唧不易解爲置譯方知緬兵雖已入境尙未渡江府君口機不可失也簡彼渡此患成矣卽命該司速諭各部落先奪舟斷渡而後議回境事當是時宣慰所存土練僅三百人耳府君爲檄調官兵數百又捐

廉募勇益之共得千軍而敵兵三千壓境寡不敵衆宜慰端備
懼弗克府君勗之曰勿畏也兵不在衆果使先聲奪人可不戰
而勝耳乃使人傳播江上以爲天兵數千將送宣慰回境然此
時猶未遽發也府君於是校士卒演陣法訓練而始遣之去之
時部伍嚴肅鎧仗鮮明以暇以整儼然紀律之師也初召彝與
緬國俱意宣慰蹶而不振及聞天兵至又偵得軍威大失望遂
懾書遁去事定後稟知大府制軍喜曰吾封疆十三載南陲事
今方夢覺卽屬府君據實通詳將據詳敘功也府君曰吾盡吾
職詎邀功者且吾以此邀功前數任必以此受過損人利已吾

弗爲也終不盡說故僅獲紀錄而止宣慰既復感激圖報獻珠
寶文犀象齒諸珍無算府君悉卻無受伊益感服爲立專祠於
九龍江上諭阻之弗能禁也自是宣慰公事悉請命而行一日
解到猓黑首級請賞詢之則以猓黑與宣慰世仇向獲其首級
皆邀廳賞此循舊例也府君惻然曰猓黑亦人也無罪而死有
干天和嚴戒宣慰嗣後勿許擅殺並札諭猓黑從此脩好不得
尋仇猓黑亦感戴秋毫無犯云府君所莅處尤以興學勸士爲
先任路南時明倫堂傾圮亟爲修造又因竹林寺僧侵奪民田
罰令寺田半歸書院以益膏火諸生肄業有資日益衆及至思

茅地僻少文學士自歸版圖以來向無入仕版登賢書者府君思易其俗捐俸勸建書院延師授讀復拔其尤者數人俾入署肄業公餘親爲講授未幾趙恒春舉於鄉陳大章以學博卓異官吾郡參軍二人皆在署受業生此尤成效可觀者也府君自午歲之滇任路南三載餘兼知河陽縣事者三月署思茅三載又攝普洱府篆者數月蓋違先大父母膝下已七年矣甲戌先大父致仕自楚旋里府君思親念切乃請委運京銅藉可歸里定省丙子領運啟程中途聞先大父染病督運速進入都交卸卽日請假回舍時已歲杪矣先大父見府君病中爲之開顏府

君侍養無方刻不離側先大父因詢及歷年政蹟纂詳一日執府君手語曰汝爲人若此吾無慮矣逾歲春正先大父捐館舍府君盡心喪葬無違禮服闋入都辛巳選廣東德慶州次年之任所州俗健訟賄賂公行府君秉公判決一無偏徇曾有紳某偶造署祈屏人語詰之則袖出銀券一紙曰此已結某案某所託爲代獻者也府君愕然曰吾謂君有以教我若以賄所不敢聞也某復請曰此案判結已久伊緣情伸莫報故樂輸耳非有他求卽受何害府君曰不然案以理斷若以賄終是公亦私也峻拒之後終任無敢以私干者州環山抱江山田皆官地荒蕪

不治府君出示聽民間墾民便之江面亘二百地盜賊出沒劫案時聞府君嚴飭巡船以時親往查緝復添置巡船絡繹緝拏盜無所匿終任無一路案實有以弭患於先也州地有蛋戶焉皆託魚埠以生魚埠者蓄水之地尋被豪強侵去蛋民微賤無力與爭失業久矣府君勘明埠界判歸蛋民始復舊業又有賓興館館內田租供諸生卷費日久執事侵漁不濟實用府君將館租歸併書院以益經費諸生賴之卽於書院中立府君祿位焉府君之入滇也不孝等俱留先大父署及入粵時先繼曾祖母陳大宜人暨先大母尙在堂以年高憚跋涉迎養不果不孝

啟賢留侍於家不孝佐賢隨侍在所尙在童年府君課讀嚴厲
戒不得與公事以故善政善教未及周知所能追憶敬述者僅
得厓畧如此府君御下慈惠然直道事上不稍阿乙酉夏以竊
案罪議是冬先大母壽終於家府君聞訃時案尙未結哀慟迫
切不暇與辦遂朦朧被劾請戍西陲丙戌不孝啟賢隨之迪化
戍所適值逆回跳梁軍書旁午糧臺需人府君謁都統英侯卽
委協理臺務彼時糧臺初立章程未定文檄之往來芻糧之出
入紛如蝟毛府君酌立規條經理無誤年餘課績入奏蒙
恩賜環英侯以軍務未竣商留府君仍辦臺務謂原官可復府

君不可曰母終未葬但得生入玉門足矣浮名如嚼蠟記爲此
羈絆耶遂歸里時戊子孟春也次年爲先大母安窀穸盡哀盡
禮繼又丁先繼曾祖母憂勉襄大事一如葬先大母時府君廉
介自矢宦遊雖歷年所囊橐蕭然無長物自遭坎壈迭罹大故
家益貧府君儉約自奉安之若素然自是不復問家計舍西小
園屬早年讀書處書舍猶存仍集生徒立講幄兼植花木藝蔬
菜徜徉其間以自娛嗜讀易日手一編自爲箋註初但宗漢儒
說後得前明來瞿塘先生易註尤服膺弗失採其已及補其未
備共註八卷大抵主象數而理輔之每有心得輒色然喜或疑

義未析卽寢食俱廢必求渙然而後已如是數歲蓋心力已瘁
矣憶自官思茅時受蠻瘴得目疾然身健無病辛卯秋忽中風
痰右體不良於動履數年來諸方調治增減靡常乙未不孝佐
賢成進士改庶吉士府君聞捷音喜爲之加餐病勢亦漸減不
孝等竊冀愛日方長正多餘慶詎料九月二日疾作不語次日
遂溘然逝耶嗚呼痛哉易簣之際不孝啟賢侍側不孝佐賢供
職都門未及含殮不可爲子不可爲人則尤死不足贖者也府
君訓不孝等以義方每憶趨庭之餘輒舉祖訓詔示尤喜讀先
儒格言擇其切於身者體諸行而宣諸言嘗訓不孝等曰旣爲

讀書人當以希聖希賢爲任甘自暴棄皆無志之甚者也嗚呼
不孝等行能無似而思聆嚴訓已不可復得矣痛哉痛哉府君
無胞兄弟不孝叔二人名文彪叔現任浙江秀水縣丞名文綬
叔已卯副貢前任鄒縣教諭皆府君嫡堂弟友愛不啻同懷兩
叔家俱寒府君解衣推食所以篤愛者備至兩叔亦敬愛交盡
惟府君之命是聽兩叔所以卒得成立者亦多賴府君之教也
府君性乏嗜好惟於子平占卜之術借作消遣輒應斷如響與
人交無城府推誠相見間有欺以方者亦弗逆其詐晚年額頰
居日坦室蓋取天懷坦蕩之義云濟人之急不吝貲財統計宦

遊之年同僚中沾潤者甚夥始終不責報亦未嘗有德色而疾惡若仇遇僉人輒面斥之不稍貸或其人改過自新亦不追其既往故人皆憚府君之嚴又未始不樂其寬也府君存心行事可見者又如此生於乾隆三十二年十二月二十七日丑時卒於道光十五年九月初三日戌時享壽六十有九己卯恭遇覃恩授奉直大夫乙未恭遇

覃恩贈文林郎翰林院庶吉士元配吾前母張宜人同邑雍正己酉庚戌聯捷進士宣化府知府諱志奇公孫女恩貢候選訓導諱敦公女早去世

誥贈宜人

晉贈孺人繼配吾母李宜人霑化邑庠生

贈中憲大夫淮揚道諱懋廣公孫女廩生

贈文林郎翰林院庶吉士諱燾公女

誥封宜人

晉封太孺人子二長不孝啟賢郡增生辛巳保舉孝廉方正娶
趙氏邑乾隆乙酉舉人敘永廳同知諱華公男附貢睢州州判
諱志甲公女次不孝佐賢戊子山東鄉試第一名舉人乙未進
士翰林院庶吉士娶張氏海豐丁酉舉人屏南縣知縣升知州

封光祿大夫刑部右侍郎加二級諱映斗公男壬午進士翰林院庶吉士現任玉環廳同知名洵公女女二長適邑庠生紀諱淇公男廩貢署宛州府教授雲階次適霑化乾隆甲午舉人定興縣知縣范諱穀貽公男道光辛巳舉人揀選知縣承俊俱李宜人出孫男一貽良幼未聘孫女一幼未字俱佐賢出不孝等苦地皆迷語無倫次伏冀當代立言君子俯垂矜恤賜之銘誅則不孝等生生世世感且不朽

誥封宜人 晉封太孺人先妣李太君行述

嗚乎痛哉不孝等又爲失恃之人矣去秋遭先府君大故痛不欲生祇以寵歲未安且有母在堂不得不苟延殘喘以期稍盡子職也胡天不弔屢降鞠凶旣奪吾父又奪吾母耶此皆不孝等侍奉無狀獲罪於天迭罹重禍鮮民之生生不如死惟痛念吾父母嘉言懿行均堪爲人矜式已敬纂先府君行述略陳梗概儻吾母事實不彰於後世則不孝等罪戾又何能自追因再泣血臚陳以備家乘垂世範焉吾母氏李系出霑化先世木齋公諱呈祥官至少詹事崇祀鄉賢木齋公生諱頌公康熙癸未

進士任江南石埭浙江德清兩縣知縣再傳至諱懋賡公邑庠生

贈中憲大夫江南淮揚道乃吾母之祖也吾外祖諱燧邑廩生贈友林耶翰林院庶吉士舉女三次卽吾母吾母仁孝寬和出於天性年十七歸府君奉事舅姑備極敬謹家貧鮮婢僕浣濯灑掃井臼炊汲之細皆身執之先大父母暨府君衣裳冠履悉出自製每宵分燈火熒熒紡績之聲與刀尺之聲相續也繼先大父游京華家益窘日幾不再食焉吾母佐先大母織紵餬口勤勤操作不以爲苦卒歲禦寒無計衣僅敝絮處之泰然人咸

謂吾母之孝且賢也迨先大父服官楚北吾母隨侍到署左右
就養如家居時先後舉不孝等兩人每晨起率不孝等集寢門
問安畢以次侍立晚間問安如晨儀先大父母顧而樂之吾母
尤識大體見理明決每定省之餘凡間內事先大父母多諂之
不孝等尙憶兒時侍側敬聆吾母稟陳委曲詳盡輒當大父母
意云先大父歸里後旋卧病時府君有運銅之役家中惟吾母
侍養晨饑夕餽藥鑪茗碗必潔必親不假媼僕手先大父病後
厭岑寂吾母每先意承志凡可以娛老人意者無不畢致族人
尊卑長幼問疾者接踵至先大父從容笑語每顧吾母示人曰

此吾之賢媳也迨先大父考終間數年先大母亦壽終吾母佐府君兩襄大事不以哀毀致留遺憾春秋家祀潔粢豐盛洞洞屬屬不懈益虔吾母之始終盡孝如此當府君仕滇時吾母留侍先大父母及仕粵吾母始至署府君性廉潔庭絕苞苴吾母尤能佐以儉食牛蔬菜未嘗有盛饌衣則頭櫛浣濯不敝不更布帛菽粟之外不購無益物亦未嘗有私蓄爲羅綺金翠之飾也府君西謫時不孝敬賢隨行吾母攜不孝佐賢回里不孝佐賢年尙未冠門戶蕭然兼之酬應往來度支出入叢委填萃吾母孤力支持輕重緩急之需皆周策遠慮小大瞻舉綜理內外

井井有條是時吾母之沉痾甚矣乃所以教育不孝者更有深
心焉不孝胞姊丈范蘇山師負文望吾母延至家塾授不孝讀
每聞師獎勵不孝文則喜否則愠時誠不孝曰家務吾自能辦
拙汝但專心向學勿墮家聲卽所以仰承吾意耳蓋以不孝力
攻舉業恐以他務分心也撫今追昔不孝所以稍有寸進者非
吾母維持教誨能至是耶竊冀此後祿養方長烏私稍盡乃未
遂一日之養旋抱終身之慟嗚呼痛哉母氏劬勞昊天罔極不
孝等更何以爲心哉府君宦遊日多不孝等不獲常依膝下而
依吾母最久亦聞母教最詳髫髻時言動偶愆必責數不怨迨

成人則於立心制行諸大端提撕教戒不啻嚴師不孝等交一人接一事非母命不敢專也孰意自今以往竟不獲復聆慈訓也耶嗚呼痛哉吾母持家政勞心過度得瀉疾進以補益之劑卽痊愈如是者有年根株未盡除也未年遇府君變故而不孝等姊妹二人又先後俱失所天吾母輒愀然不樂丙申中秋後舊症復作調理就可詎意冬間疾作增劇遂不可復治也耶不孝等年餘迭遭大故罪孽深重哀哀父母思一侍色笑不可得矣嗚呼痛哉吳天降割竟至斯極哉府君與吾兩叔相友愛吾母尤善體府君意凡吾叔衣食寒暖體貼周備不啻姊之於弟

者以故兩叔自少至壯事無鉅細皆商吾母亦若以姊事吾母也吾母性節儉內治產業纖毫不遺鐫銖半絲半縷亦收貯以待不時之需未嘗有暴殄者然獨樂施予族人多貧冠婚喪葬往往不給吾母必量力周卹遇空乏時取衣物付質庫助之歲數次以爲常未嘗憚其煩也吾孀母紀孺人孀居缺嗣無所依延至吾家解衣推食今已十餘年如一日也曾買婢張氏自述其父游幕雲南因貧鬻女吾母商府君曰此讀書人之女不可以奴隸視之也府君因寄書滇省詢之而信吾母遂不令與羣婢伍後許字德慶巡司某公之猶子及笄備妝奩歸之蓋吾母

之好行其德大率類此御下有恩奴隸輩間有侵漁多置不問
曰小人圖利不必與爭毫末也使幼婢尤深愛惜居平必令溫
飽疾痛疴癢親爲撫摩曰若輩離父母吾卽其父母也可二視
哉吾母寬惠慈祥鄉黨言閭閻者多舉爲法竊意福澤方長春
秋正永何期天道竟不可問耶含殮之際族中長幼尊卑及家
中奴僕婢妾皆哭失聲蓋感人之深也吾母之行事可見者又
如此生於乾隆三十八年九月二十九日亥時卒於道光十六
年十二月十八日丑時享壽六十有三

識封宜人

晉封太孺人茲穆卜於十七年十月十六日未時奉吾父母柩
安葬於城北聶家莊後祖塋之次並謹啟前母張宜人厝合葬
焉不孝啟賢等俱詳先府君行述中不贅述

誥封恭人先室張恭人行略

嗚呼恭人余家中之內助亦閨裏之良朋也一朝永訣余獨何
心能效太上之忘情耶。嗚恭人結縭以來三十五載其言行實
有異於尋常巾幗者每一追憶淚潸潸下故欲爲記載而擲筆
者屢屢今葬有日矣顧忍聽其湮沒不彰乎爰披淚質陳以備
家乘不僅寫余傷情已也恭人姓張氏名衍慧號晚芳海豐望
族曾祖諱鏗乾隆癸酉拔貢安徽合肥知縣

贈榮祿大夫湖廣總督祖諱映斗乾隆丁酉舉人福建知州借
補馬港通判

贈光祿大夫刑部右侍郎加二級父諱洵道光壬午進士翰林院庶吉士浙江玉環廳同知母楊宜人恭人生而明慧幼嫻姆教爲父母所鍾愛光祿公尤愛之甚年二十二來歸事堂上克盡婦職時家道中落凡鍼紉操作之事多半親執先慈衣履非恭人手製者不遺也尤能曲體親心凡堂上所喜而力能爲者恒身任不敢憚勞或嚴慈有拂意事每侍側婉言勸慰俟顏色霽和乃退故兩大人雖家訓嚴肅有過必懲獨恭人逮事十年未遭呵責先慈每語人曰是善事我勿疑我偏愛也迨嚴慈相繼棄世恭人佐余治喪葬備盡哀禮歲時修祀事手擷蘋蘩未

嘗不豐潔也余弱冠力學每湯視舉業恭人曰吾聞滿招損謙
受益君意氣未能下人毋乃非受益之道乎余聞之悚然戊子
余鄉試領首薦恭人慰喜之餘仍不忘勸勉之意迨三蹟春闈
恭人轉多方慰藉蓋恐余之鬱鬱懷抱也乙未余入詞館後家
貧固缺資斧而長安居更不易宅舍車馬飲食衣服及瑣屑家
務事紛如蝟集恭人則權輕運量緩急支持摒擋悉爲經理有
條不紊余與諸同年友每月爲詩酒之會恭人皆親製肴核食
雖蔬茹無不精也器雖瓦缶無不潔也室雖湫隘無或穢汙不
治也令人入吾門幾忘吾之貧窶者而不知牽蘿補屋恭人之

籌畫周而心力殫矣當是時有友謂余曰海南戰船例十二歲

一修修則糜帑十餘萬需部費議定報銷方准否則必駁今屆期矣彼此相待特無人爲之闢說耳彼處守土者君好友也儻賜一函通其意當以三竿爲謝余念此事非義婉言辭之入紉恭人佯爲意不決者蓋欲試恭人識力何如也恭人曰於決是也何有方今

國用支絀之時旣食天祿縱不能裨益

國計顧忍冒銷

國帑乎且人貴安貧財有定數何必爲非義之取乎余笑曰然

前言戲之耳。卿見及此。益徵吾兩人有同心也。恭人之明大體。遇事能斷。類如此。及余守閩。汀隨余任七載。其節儉一如昔時。不以祿入稍豐。偶形侈泰。且念宦海茫茫。風波靡定。時爲余吟。早買漁簑。未老歸之句。人多疑余年未及艾。何遽解組而不知。亦賴恭人之恬澹。有以贊成之也。歲辛卯。男貽良生。甲辰。男貽雋生。恭人雖珍愛備至。而訓誡綦嚴。言動偶愆。輒責懲不少貸。嘗謂少成若天性。習慣如自然。幼失教誨。冀其成立。難矣。吾不效禽犢之愛也。訓女則鍼黹之外。尤諭以禮義。故吾女出閣後。事舅姑。深得歡心。長男貽良。授室其訓。兒婦猶女而愛之。亦不

異已出乙卯丙辰貽良聯捷鄉會闈觀政刑曹恭人雖喜而尤
深警惕每誡之曰訟獄需得民情刑罰需重民命儻失出入所
關非細切不可掉以輕心汝何日改官吾懸慮方釋也此其事
親相夫教子諸大端也余一嫂兩姊妹恭人處姊妹娣姒間怡怡
和樂從無疾言遽色不但不聞詬誶也適范氏姊歸甯時尤多
嬰帶衣冠襪履每代爲手製在遠時猶時以什物饋遺慰問相
繼適張氏堂妹吾嘯谷叔所出也叔歿於秀水任所妹幼無依
迎至汀署恭人教養備至不啻母之於女者嫁時衣飾妝奩纖
悉畢舉觀者歎恭人之賢而恭人不自以爲德也恭人樂善好

施出於天性遇人疾病索藥餌者必速與之或囚急難貧乏告
貸者必量力資助嘗曰天生財物原以給用特用之貴得其當
耳視太輕則爲暴殄視太重則爲吝嗇儉以持已可也豈可儉
以待人乎猶憶昔年艤舟建康城下有男婦牽穉乞食岸上
者恭人坐蓬窗問之曰是不類乞丐何其哭聲悽楚乃爾耶遣
价訊之則紹興人投親赴閩遊幕者途被胥篋喪其資斧流離
至此問至閩所需幾何曰非制賦三千不可卽命僕如數與之
其人叩謝去亦不問其姓名也恭人之好行其德此亦其一徵
也○御下有恩紀凡婢媼輩飢寒疾苦體恤周至故歿之日婢僕

皆哭失聲尤有知人之明無論貴賤覲面卽識其善惡嘗謂
子邪正人之誠僞分焉雖未能毫髮不爽亦往往十得八九云
凡此皆恭人之行事彰彰可見者至其技藝猶不盡於是也恭
人幼讀書習字兼學吟詠于歸後專習操作此業遂廢然性耽
翰墨願學之心未忘也迨余入都漸有餘暇仍時臨帖喜歐柳
書故出筆清拔無俗態間爲余抄書作消遣尤愛寫蘭春明質
舍狹隘余僅於居室旁置一書案肄習館課恭人亦時就案染
毫余贈內有學畫商量爭試墨看花笑語共憑闌之句蓋紀實
也初學無師承每就余商推久之露葉風花隨意點染墨氣之

淺深筆法之頓宕動合古人雖善畫者歎爲無以過曾擇懷心
者彙爲一冊一時同人多有題詠今遺墨尙存時一展閱能無
人琴之感耶鄙性於書畫有嗜痂之癖古人名蹟或借觀或購
存恭人亦有同好濡染旣久往往評論眞贋談言多中音律圍
棋皆余所好恭人亦能粗解至鍼繡女紅超出儕輩猶其餘事
不足爲恭人多也恭人幼卽多病喘嗽時作在都時屢患危症
幸吳竹如鄭小山兩方伯同官比部俱善岐黃與余皆同年友
代爲診治去危就安赴閩後受暑溼寒熱往來痰嗽尤甚其地
乏良醫病有加無已自是强半在藥鑪間矣迨余辭官歸里三

載家居病勢差減嗣因貽良登仕版就養都門方冀調理痊可
乃已未秋冬舊疾愈甚庚申春初更添腫脹之症遂至不起回
憶恭人躬行勤儉數十年如一日雖病中猶時以持家爲念屢
勸其節勞靜養弗遑恤也詎意積勞既久遂致沈疴竟難酬偕
老之願耶猶記余昔年偶患採薪恭人必多方調護赴閭時受
暑遭瘧疾甚劇恭人侍疾衣不解帶者月餘藥枕茶鐺皆親料
理夜半捧藥碗中霑焚香禱天願以身代私語貽良曰汝父儻
有不測余必相隨地下決不獨生也嗚乎斯言猶在耳也乃今
余起居無恙而恭人已長逝矣追維往事能不悲哉余官庶常

編修時兩遇

覃恩馳贈祖父母及外祖父母追咸豐元年在汀守任內復遇覃恩恭人始膺

封典生於嘉慶十年乙丑十月初十日辰時卒於咸豐十年庚申正月十三日寅時得年五十有六子二長貽良丙辰進士內閣中書改刑部員外郎娶海豐乙酉副貢戶部郎中王名毓寶公女次貽雋聘海豐庚子副貢直隸候補知縣張名衍壽公女次二長適鹽山己丑進士禮部侍郎孫名葆元公次男應生刑部員外郎尙絨次九歲塲今擇於十一年仲春安葬利津城西

鳳凰嘴祖塋之次爲書行略如此

情辭悱惻髮髯六一風味

會謹注

高君墓誌銘

利津 李佐賢 竹朋

高君墓誌銘 書 書後 引 文 題辭

誥授中憲大夫紹興府知府加一級次封高君墓表

故友次封高君歿於里第將歸窆窆其孤請表其墓余與君交
誼四十年相知最深顧忍不一爲表彰耶君諱貢齡字次封先
世於元季由棗強遷居利津十五傳至太學公萬鑑爲君曾祖
君祖容華增貢候選布政司經歷父蔭階俱

贈中憲大夫如君官母許氏

旌節孝

贈太恭人君幼失怙長兄咸齡亦早逝君獨事母孝養喪葬無
違禮尤嗜學勤讀弗輟由廩生舉道光甲午鄉試乙巳成進士
歷官戶部四川司主事充江西司井田科陝西司主稿總辦捐
銅局查核豁免處務辦軍需局管理飯銀處道光丁未庚戌會
試兩充受卷對讀官歷升福建湖廣浙江司員外福建司郎中
寶泉局監督凡君所至庶政畢舉無廢事京察膺上考同治甲
子

簡放紹興知府乙丑初夏抵浙當是時浙東水溢紹郡尤甚城

不沒者三板季夏抵任水雖漸退然低田尤屬澤國也君念救
時以水災爲急務而治水尤以海塘爲急務初塘工歲修鹽院
署有津貼銀兩兼紳富捐款可濟經費後盡化烏有道光時重
議畝捐以山會蕭山三邑捐款協修西塘以山會兩邑捐款籌
辦東塘猶堪禦患近年逆匪蹂躪屢被兵燹民不聊生畝捐並
廢君蒞任恰逢此厄念要工旣不容緩畝捐又不濟急不得已
稟商大府借庫錢十萬暫顧拾修俟畝捐收足歸償庫款大府
允行乃擇紳董經紀其事不假胥吏手君每月勘工數次往來
催督不避風雨且於三江厝各塘尤爲加意三江者富春曹娥

及錢塘而三匯流入海之處也。勘工日久濱海風寒積勞致疾遂辭印綬。方君之在任也聽斷虛心研鞠務得其情課書院親自訓迪不異家塾。府試嚴立關防取真黜偽學使歲試所拔前茅皆入泮士林翕然。每公出舟輿飲饌悉自備辦屬吏供給者皆卻之。在署衣僅蔽體食不兼味所用冠服猶春明供職故物也。而篤於友誼凡與君有舊或借貸者分俸贈貽無少吝其行誼有古風焉。去任時合郡僚案紳士祖餞於郭外至有涕零者。君治紹僅歲餘耳何以邦人感戀如此知其實心實政之入人者深矣。溯自道光丁亥范蘇山師設帳余家從遊者九人君與

焉戊子吾師主講濱邑君與余及蘇蕉鄰外兄復從學於講院
共視席者二年嗣是余與蕉鄰先後入詞館君亦捷禮闈官部
曹一時猶盛曾幾何時而三人者初同學繼同仕今又同歸林
下矣去冬蕉鄰作古余愴然以悲猶幸君居近在咫尺庶幾晨
夕往還話舊言歡以娛暮景或非天所靳也孰意君一病不起
又溘然逝耶余年市逾花甲而戚友中少長於余者已多謝世
今君又不少待余更何以爲情耶一星後曙古人所哀存歿之
感難禁涕泗之縱橫矣君生於嘉慶九年八月初六日卒於同
治七年四月初九日葬於城北梁家莊前先塋之次元配張恭

入子固長彤敍官武清縣縣丞升知縣加州同銜次彤瑋廩貢
三彤瑋同治辛未進士工部主事四彤瑋女一適濱州儒士王
新孫男九人某某孫女二人

回翔容與一往情深此非孟子韓子之文而歐陽子之文也
希謹注

馳贈翰林院五經博士虞琴孟公暨元配孫孺人合葬墓

誌銘

古鄒虞琴孟公諱繼姚字揚薰 亞聖裔祖鍾北公父國模公
俱襲五經博士世濟其美公賦性穎異敦篤天倫事父母婉容
愉色能博堂上歡居喪哀毀骨立如不克勝不自恤其瘁也同
胞四人公次於仲壘篋間怡怡和樂著友于風席簪纓無貴介
氣落落不修邊幅然嗜學勤讀弗輟小試輒前茅所爲文雖名
宿亦刮目期爲遠到才嘉慶乙亥歲郡試冠軍受知於王伯申
舉使補博士弟子員應丙子鄉試已備中矣旋以額滿遺公自

此益刻厲手不釋卷詎知攻苦太過遂中疾不起士林惜之著
有太古園詩文集四卷今猶藏家塾云公德配孫孺人幼媚姆
訓年二十有一賦于歸時公已失怙惟公母史安人在堂孺人
恪供婦職躬視井臼謀甘旨周或不涓安人愛如已出亦孺人
之孝謹有以致之也方公之遭疾也侍湯藥者累月禮以身代
及公亡慟不欲生其不瀕於危者僅矣以姑命節哀盡禮嗣是
溫清定省代子職彌加謹焉蓋恐傷姑之心也姑歿後助嫂理
喪葬無毫髮憾尤睦於娣姒事長嫂不啻弟之於兄者閭閻以內
尚如也孺人爲任城寄園相國孫女質谷觀察長女觀察任靈

昌道孺人歸省任所以疾卒蓋去公謝世時已苦節二十二年矣公無子雨山翰博公猶子也襲職後

贈公如其官孺人亦並膺

封典孺人歿後呈請入奏

數○褒○節○孝○以○慰○泉○壤○嗚○呼○賦○命○不○辰○彼○蒼○難○問○然○古○今○富○貴○而○沒○滅○者○何○可○勝○道○如○公○內○行○無○虧○暨○孺○人○抱○節○完○貞○同○垂○不○朽○亦○可○以○含○笑○九○原○也○已○何○憾○哉○公○生○於○嘉○慶○元○年○正○月○二○十○八○日○卒○於○嘉○慶○二○十○二○年○七○月○十○八○日○孺○人○生○於○嘉○慶○元○年○二○月○二○十○二○日○卒○於○道○光○十○八○年○十○月○十○四○日○公○之○卒○也○葬○於○馬○鞍○

山祖塋之次茲雨山翰博迂孺人樞返里卜於道光十九年二月初八日申時合葬焉諱銘於余余與雨山爲同年友誼不獲辭銘曰

篤躬行兮能文章彼君子兮辭不長赴召玉樓兮孤鸞傷矢柏舟兮凜冰霜貞與孝兼兮賴表揚綽楔巍煥兮發幽光壽域同歸兮馬鞍山之陽令譽永播兮千古芳

自古墓誌男女皆有之然鮮並稱者並稱自明人始紀文達公辨之極詳曰女無定格衷於理而已理無定法歸於是而已禮以義起非古之明訓歟蓋述夫之美兼及婦德如史之

附傳其德相均足以相配則合傳之例馬遷亦有焉又曰婦
統於夫正例也婦與夫各足自傳變而并書亦變而不失其
正也偶閱文達公集其說有與此誌相發明者又考唐劉仲
誌張君平墓首行題清河張府君夫人安定胡氏合祔墓誌
又朱賓撰梁君墓誌首題潯王府主簿梁府君并夫人唐氏
墓誌則此例又不闕於明矣附誌之

竹塲遺記

老僕謝武墓誌銘

老僕謝武原名繼武直隸武清人身短小而貌質樸余供職都
門伊服役數載勤慎異他僕及余出守臨汀攜之南行勤慎無
異○最○時○他○僕○購○物○價○多○昂○命○武○購○之○則○價○廉○豈○物○價○不○齊○與○則○
欺○與○不○欺○之○異○也○他○僕○有○弊○武○知○之○必○潛○告○主○人○察○之○果○信○以○
故○罪○僕○多○嫉○之○每○欲○發○其○陰○私○以○洩○憤○而○武○固○無○可○發○也○亦○遂○
相○安○無○如○之○何○武○無○他○嗜○惟○嗜○果○餠○男○貽○傳○數○齡○時○武○每○抱○保○
攜○持○得○果○餅○必○先○進○之○而○後○食○內○子○慮○幼○子○之○多○食○生○疾○也○屢○
戒○之○曰○少○主○人○先○嘗○小○人○方○能○下○嚙○否○則○食○之○不○甘○也○武○居○

余書齋前列蘭盆十二蘭性喜露惡雨雨則根腐午夜山雨
驟至余慮武之睡熟而蘭被傷也迨晨起則蘭並無沾濡已盡
在室中矣如是者以爲常僕一身事無鉅細必稟明主人而後
行曰主人卽父母也不稟父母獨斷獨行可乎泊余引退他僕
有先去者武切齒曰主人在官則從去官則散此等狗彘之不
若也隨余歸里忽遭噎症不得已辭歸叩辭時淚如雨下余亦
泣武曰小人儻不死必再來以報主恩也乃次年竟以是症不
起時咸豐甲寅年六十有八計其事余十年雖無奇異然身任
之事無一廢事出口之言無一謊言先後未嘗遭余呵責此固

取僕中所未有也伊終身未嘗婚娶故無子僅有胞弟與姪爲
營葬事余不忍沒其善也爲之誌并系以銘曰

其貌則樸其質則魯其心之忠且誠也則不宜今而宜古此士
大夫之所難竟得諸老僕之謝武如斯之僕又何愧士大夫之
伍

致杜筠巢同年表弟書

啓者海疆夷務聞都中頗有建言者竊意此事當初情形和不如戰刻下情形動不如靜何以言之和議既定相安已久忽改前約在我無覺可乘在彼反有詞可藉況此時各處武備是否果有起色一旦有事果能操必勝之權否未可知也而經費支絀之際加以軍需更虞不給又其後焉者也爲今之計簡軍實修武備堅固海防有備無患以待其變而後乘之此上策也夷人惟利是圖雖與通商而設法使不得獲利伊自掃興而退此中策也若遲一時之忿爲興兵構怨之舉能勝固佳如或不能

豈不一誤再誤以如此重大之事而輕爲嘗試此策之最下者
也位卑言高自知逾分然此事所關甚重苟有所見奚能緘默
祈於趨庭時一爲代陳未必非芻蕘之一助也

致杜繼圖表兄書

啓者時事至此一大關鍵平心而論主和者爲旦夕之計主戰者爲久遠之謀皆不爲無見然使議和之後果能相安無事亦何妨降心相從第恐議和本欲相安而無厭之求轉不能相安是既貽笑於後世而並無補於當時此兩失之道也前晤吾兄曾參末議以爲此事只戰守和三策戰爲上守爲次和其下也然必能戰而後能守能守而後能和是三策只歸於一策此不待智者而決者也或者曰伊兵堅礮利未可輕嘗試也似也然自古有必勝之將略無必勝之兵器器械雖利豈無所以制之

之方乎或彼利於畫而我乘之於夜或彼利於水而我襲之於陸集思廣益多方誘敵詎必無策况伊深入重地糧食火藥亦必有窮盡之時我兵但與持久卽不戰亦可制勝且聞津民頗有願與接仗者特爲當事者所制以爲恐礙撫局是又不然民入戰勝

國家坐收其利卽使不勝

國家亦屬無害尙何憚而不爲前數年粵東百姓曾與戰得勝可見彼之炮亦並不足恃豈南海之民可用北省之民轉不可用乎又理之不可解者矣又或曰津民並非義憤不過圖掠夷

船之財物耳。儻伊敗復來，恐難再禦。不知津民果能戰勝彼已，胆落焉？敢復來？即使復來，以官軍虛糜之兵費，作義勇之重賞，其功高者並予以官爵。又何患民心之不踴躍敵愾乎？總之事已至此，原無萬全之策，祇可取其利之重而害之輕者。若畏首畏尾，甚非所以決大疑、擇大患也。弟以局外閒觀，越俎代謀，位卑言高之罪，自知不免。然託處京華，

國事卽屬家事。况吾兩人相視莫逆，若知而不言，亦違朋友勸善之義。願吾兄爲名臣，爲諍臣，不願兄爲旅進旅退之臣也。語曰：愚者千慮必有一得。弟於此籌之稔矣，亦願吾兄深思而熟

計之

復吳竹如方伯書

去冬接奉還章如親塵教恭稔德與春茂福自天申爲慰承示
永患無欺興修各縣俱飭捐辦敝邑自當一律但情形卻不相
同各縣城垣皆不枕河縱被水災城基無患敝縣河溜直射南
門繞而東行以城爲中流砥柱是以當年修築石壩爲各縣所
無今石壩傾圯則城基漸不能保此受害深淺之異也各縣受
害既淺不過築土壩禦水工程較易不難捐修敝邑非土壩所
能捍禦工程浩大而又地瘠民貧此捐修難易之異也各縣城
基無礙卽修防不妨從緩敝縣儻坐視數年必致全城化爲澤

國異日改建縣城不但漂沒民居更需多糜

國帑此關繫輕重之異也惟此工程緊要是以道光年間諸工

俱停而前任孫令曾請帑修補石壩尙蒙頒發九千兩以濟工

用他縣不得援以爲例然彼時猶屬清濟尙無黃水之患也此

時水患千倍於前則要工亦十倍於前機宜顧可坐失乎爲今

之計若必欲照舊重修石壩固屬難行如用黃河埽工暫保城

基異日水退修城有藉似尙可爲力然卽此埽工亦需專委河

員辦理斷非民力所能捐亦非宋令所能勸素蒙雅愛但有管

見不敢不據實直陳不僅爲桑梓計也

致河帥蘇賡堂同年書

賡堂大兄同年大人閣下甲辰一別廿四年矣關河間阻音敬罕通而思君之心無間一日也近年東山復出開藩豫省晉秩總河迭聽佳音未嘗不歡欣鼓舞爲

朝廷得人慶祇以分隔雲泥且乖便乏鱗羽纔賀久稽諒不見罪頃劉河弁奉委來津藉得詢悉泰躬篤祐鼎座延釐欣慰莫可名言承查勘東省河道按黃流改道以來敝省被患已十餘載黃流入濟勢不能容於是每歲漫溢田廬之漂沒墳墓之冲塌令人目不忍觀因思南河舊有河工歲發帑金數百萬

聖天子愛育黎民不惜重費

恩○至○渥○也○今○河○道○既○改○山○東○之○民○有○異○於○江○南○之○民○乎○何○江○南○
為○之○修○防○山○東○則○聽○其○遷○沒○乎○厚○於○彼○而○薄○於○此○誠○理○之○不○可○
解○者○前○數○年○弟○曾○履○商○閭○中○丞○言○之○中○丞○但○云○河○流○須○歸○故○道○
若○東○省○添○設○河○工○則○故○道○終○不○能○復○是○以○不○肯○輕○改○舊○章○但○河○
流○之○害○愈○深○而○故○道○之○歸○無○日○弟○自○慚○人○微○言○輕○不○能○上○達○
天○聽○然○竊○計○

聖○朝○勤○恤○民○隱○儼○觀○此○一○方○皆○墊○情○形○斷○不○忍○坐○視○不○救○也○况○
敝○縣○之○患○更○有○甚○焉○者○他○邑○被○災○城○池○無○恙○敝○縣○則○城○枕○河○干○

向賴石壩以爲保障近來石壩被水沖倒水逼城根前三二年
竭力捐輸修築土壩爲護城計奈民力已盡而河患無窮至去
秋盛漲遂將城垣東南半面盡行坍塌若再固循不爲經久之
計恐全城百姓均不免其魚之歎按敝邑形勢屢經委員勘驗
均言對岸需開引河城南可救卽合邑紳民亦詢謀僉同而當
事者以費用浩大久未施行獨不思若全城俱陷將棄此一縣
乎○卽○改○建○一○城○乎○棄○之○固○無○此○理○若○改○建○所○費○不○貲○不○更○須○多○
糜○帑○金○乎○現經縣令請帑三千試開引河而工費尙不及半又
擬再行勸捐而地瘠民貧仍慮不敷大工之用正在躊躇之際

通車處委員到此此邦人士以手加額引領而望日庶幾祐此
一方乎不添河工則已若添河工固險莫險於津城亦要莫要
於津城矣大君子已溺爲心關懷民瘼想當於全省奏設河工
倘經費不足擇要試辦則津城一處歲修似不可缺引河初開
不識果能暢行與否若每歲疏通定可通行引河一通卽城基
可保弟將與一方之白叟黃童焚香頂禮同拜仁人之賜於無
既矣望恩如望歲不勝延頸待命之至再者九河故道鈎盤馬
頰徒駭似在武郡鈎盤馬頰業已淤平徒駭尙有河形自濱州
濡化入海上游距濟河不過數十里若從此開通以分水勢則

津邑之忠可滅芻蕘之見並祈俯賜採擇焉至鄙人近况前數
年就濟南講席近兩年里居賦閒於勳名富貴久已漠然無動
於中惟翰墨結習尙未盡忘聞閣下深入禪理想於世緣已盡
舉而空之如弟者得毋所謂猶挂一塵者耶年來鬚髮皆白而
腰脚尙健游覽之興無異曩時頗思游梁園借圖良晤訪碑嵩
洛閒登太華高峯尋古踪於長安覽太行之勝而返奈游資不
易且風煙未靖是以徒抱虛願未識能償與否大小兒貽良現
親政秋曹二小兒貽傳現攻讀應鄉試弟去歲因得孫曾入都
一游因徧訪同譜諸君僅餘四人屈指京外列仕版者亦祇數

人回憶春明聚首曾幾何時已似晨星落落曷勝慨嘆茲乘便
附呈拙作四種伏祈訓誨應備銜版以遵體制特念吾兩人交
非泛泛恐遭呵斥故敢從畧諒不笑其疎也

經濟有賴之文造福於桑梓匪淺也

奮謹注

復蘇廣堂同年書

秋初接奉還雲如親塵誨廿餘載離棕一時頓釋其快慰有不可名言者承示冬閒有引退之意竊意吾兄膺

朝廷特達之知正宜大展經濟救世匡時若抽身身退似非所以答

守知慰民望也鄙見未識有當尊意否敝縣黃河溜勢甚危急今夏於對岸開通引河居然暢行且將河中淤洲削去大半河道寬廣縣城南門幸免坍塌而日下大溜移向東門東門外民居數十家俱化澤國逼近城垣月城已被冲破東南城垣盡

地若置之不問明歲盛漲恐東北城亦將難保察看情形惟有
於新開河之南岸築一挑水壩將大溜逼向東移則全城可保
無虞築壩需費千金近年屢次捐輸民貧財匱實難籌此鉅款
僅河庫有款可籌或函致東省大府籌款以保危城固無量功
德也外繪圖敬呈青覽至大溜挑河引入徒駭之說卽疏九河
遺意分支以殺水勢未始非計新開固不易言若就當下自開
之河禁止堵截但就兩岸築隄順其自然則事半而功倍現在
泛濫之水多歸徒駭則徒駭之低於黃河可知不慮其不行也
惟高明籌之第夏間協同縣令督工挑河往返烈日中兩月有

餘爲生平未經之苦又兼撿迹屢犯東府風鶴時驚現於城圯
處修築士圍以爲防守之計諸務不勝其煩事關桑梓殊難辭
責幸頑軀尙耐勞耳佳什格律渾成是老饕輸手勉和元韻一
首愧下里巴人不足答白雪陽春也守柔齋大集如有續刻望
寄示爲幸

書綠野齋集井田論後

井田之不能復古也眉山蘇子曰必塞溪壑破墳墓壞廬舍徙城郭易驅隴井田成而民之死骨已朽謂其勞民不可行也次白劉子曰一縣之民二十受田六十還田者令之精神不給必假手於胥吏財多者得肥饒財少者得磽薄舞文弄法獄訟繁興卽不勞民而勢亦不可行也予曰此二說似也然猶未盡也夫所謂勢之不可行者不在卽行井田之後而在未行井田之先既行而滋弊尙可議防弊之策未行而不能行雖聖人復生亦未如之何矣何也今以戶口計之一縣不下二十萬人壯丁

居其半亦不下十萬人以錢糧計之一縣不過十萬畝以十萬人分此十萬畝田每次不過授一畝安所得百畝而授之乎古之時地廣人稀故人給百畝而田猶有餘今之時生殖日繁故人給數畝而田猶不足又何論井田之弊實叢生爲不可復古也乎且夫上古結繩而治今則易而書契矣上古葬之中野今則易而棺槨矣上古汗樽坏飲今則易而壺觴矣上古穴居野處今則易而宮室矣與井田之易爲阡陌無以異也凡此者人爲之乎皆天爲之也今必使書契返而爲結繩棺槨返而爲野葬壺觴返而爲汗樽宮室返而爲穴居夫人知其不可也然則

不身書卷卷邪
卷四

不○陷○之○不○可○返○爲○井○田○又○何○疑○乎○故○善○爲○政○者○不○泥○古○以○戾○今○
不○違○天○以○徇○人○

質語折得倒如是乃儒而非腐
舍謹注

書破邪論後

惜抱軒筆記云世傳虞永興被邪論自署衛太子中書舍人太子官但有中舍人安有中書舍人永興父名勣而序中用薛荔字此必唐時僧徒竄聞見者所妄作偽託欲以自取重於世耳思翁乃不能辨屢云學永興破邪論精鑒者乃如是乎按破邪論秀勁超拔卽非虞書真蹟亦屬佳書學之何損其誤書中書舍人固也至謂家諱不避竊以爲不然竹窗遺錄曰文王諱昌而箕子爲武王陳洪範曰而邦其昌厲王名胡而其子宣王時詩云胡不相畏此詩書不諱也武王名發而周頌祀文武之樂

歌雖曰克昌厥後噫嘻曰駿發爾私此廟中不諱也春秋僖公
名申而書戊申定公名宋而書宋仲幾莊公名同而書同盟此
臨文不諱也余又按夫子之母名徵在而子曰杞不足徵宋不
足徵又曰在邦無怨在家無怨此又言徵不言在言在不言徵
之明證也設父名荔子卽不得書荔獨不聞父名仁將子不得
爲人之諱乎姚姬翁欲執此論以辨真僞將母仍屬一偏之見
乎恐未足折服思翁也

古泉匯書後

是編起於咸豐九年成於同治三年六閱寒暑始獲竣事計元
亨貞集各十四卷利集十八卷益以首集四卷共得易卦之數
雖不敢云擗捭無遺然古譜異泉今世不存者固多闕如至當
代藏泉家珍奇之品摹搨殆徧縱有遺亦寥寥無幾矣予之編
斯譜也蓄志已十餘年矣初以宦轍分馳弗遑從事歸田後又
避之數年始得以釣游暇日攷古成書蓋夙願之償若斯之難
也斯固撫衷差堪自慰者也雖然半生來讀書猶古上之不能
立德立功聲施後世次之不能著書立說羽翼經傳徒以此阿

增○中○物○消○磨○歲○月○縱○有○一○知○半○解○可○以○信○今○而○傳○後○究○何○關○於○
治○術○又○何○裨○於○學○術○乎○是○又○自○省○焉○而○不○禁○歔○歔○感○歎○者○矣○

刊津惜字社小引

世有一物焉上自朝廷官府下逮閭閻鄉曲上自侯王君公下逮農工商賈用之千古而不易離之一旦而不可者非文字也故聖經賢傳非字莫述也制度典章非字無徵也卽至田產約契日用度支亦非字不能記也世人於金玉財貨皆珍而惜之爲其益人也字之益人較之金玉財貨不啻倍蓰也顧不珍而惜之豈人情哉第自倉君造字以來文字以煥蔡倫造紙而後簡冊愈繁其有用而有之者固多因無用而毀之者亦不免焉夫字借紙傳卽紙因字貴微論長編巨冊卽片紙隻字儻聽其

毀棄或致糊塗箔覆醬醢甚且帶絮沾泥隨茵落溷其穢褻有
不可勝言者皆士君子所目覩焉而中懷難安者也心之所不
安卽義之所由起也每見通都大邑多有惜字會社今吾邑同
人亦擬仿而行之誠盛舉也余因爲公議規條開列於左俾垂
永久非好事也亦曰行吾心之所安而已至云惜字者獲福不
惜者致禍猶其後焉者也人之好善誰不如我有願入社者請
書芳名

一惜字社公局立於城隍廟之賢尹堂每月十五日同人公
會於此

一社中每人每月捐京錢一百文以爲公費

一社內雇一人每月給資若干支令其徧覓城中四圍通衢小巷皆需日日搜尋遇有字紙卽檢存俟公會日彙送公局如至期無字紙送到或所送太少卽屬懶惰革除換人

一城鄉中有同志者可於每月十五日將字紙送局每斤給錢幾文

一公會日卽將所收字紙公同焚化紙灰用甕收貯甕上加蓋免被風颺

一遇汗穢字紙須用清水洗淨晾乾焚化

一社休製木斗若干散挂於各街衢巷口令行路之人拾得
字樣隨手可以收貯雇工人隨時向木斗收取送局
一灰多幾滿卽將灰包裹同人公送河干用船撐向中流放
灰順流而去

利津聖水靈池禱雨文

利津縣紳民某等謹以香楮之儀敬告於聖水靈池尊神之前
曰惟神聰明正直作鎮海濱錫福祐民救災捍患向值亢旱敬
取靈泉聖水莫不速沛甘霖立蘇民困是神之爲民降康久已
淪肌而浹髓而民之感神庇祐不啻刻骨而銘心往事可徵多
歷年所乃自前歲去歲雨澤愆期旱魃爲虐今歲尤甚三四兩
月亢陽爲災每遇陰雲輒被狂飈埽蕩刻下節過天中源泉告
竭焦土不潤稼穡半枯秋成難望農夫釋耒而歎呼天籲地計
無所出意者官吏不職暴斂繁刑縱盜積訟民怨天怒致招災

沴歟抑或民情多罔譸張爲幻暴殄奢靡致干天譴歟然使官
獲咎而禍及於民類於遷怒使民有過亦當擇尤示罰十室之
邑必有忠信豈有不分良莠異罪同罰之理想明神均不出此
其所以致此者咎將安在夫民爲邦本食爲民天若無稼是無
食無食是無民也無民神將安依或者冥冥之中神並不能專
政亦如陽世公務需待詳報而後施行卽祈代民請命轉達上
蒼想好生之德亦不忍坐視萬民之槁餓而不一救也某等幸
托仁字不得不有求於神儻蒙垂佑三日之內卽降甘雨庶秋
收之可望幸民食之有資旣感舊德之難忘彌戴新恩之無旣

敬答神庥永世勿替

醒世恆語題辭

是編雖諺語然一片救世苦心盤托出世風之所以日下者
凡以人心之不古耳果能存心若此機械變詐之思何自而作
禮義廉恥之防何虞其潰一人如此存心則身修家齊人人如
此存心則國治天下平頓覺黃農虞夏之世去今未遠所裨豈
淺鮮哉閱竟喜其命意之善遂不覺其辭之俚也且更喜俚語
之人人易解也書數語歸之願讀斯編者俱有同志未必非世
道人心之一助云

王子武詩集題辭

大集捧讀再四五古則追蹤魏晉七古則嗣響杜韓洵堪獨步
一時律詩亦雄渾超逸典麗清新無美不備尤妙在各體縱橫
變化不可方物雖取法古人而絕無依傍是善學而得其神髓
不襲其面貌者知於此道三折肱矣僕於詩學未能深造然自
負雙眸頗辨妍媸微論並世卽古人名集有未能愜意者亦不
敢隨聲附和獨於君詩低回往復不能自已豈阿所好耶抑佳
篇俊句實有以移我情耶獨是吾兩人交好匪一朝夕矣憶彼
此假館明湖時相過從君無一言及詩僕亦不知君之爲詩人

也○儻○非○因○郡○詩○續○鈔○之○役○廣○搜○博○覽○獲○觀○斯○編○不○幾○交○臂○失○之○
耶○在○君○懷○瑾○握○瑜○深○藏○若○虛○固○不○妨○知○希○我○貴○而○僕○乏○藻○鑑○之○
明○殊○自○愧○矣○夫○以○近○在○目○前○者○猶○難○周○知○然○則○山○陬○海○澨○窮○鄉○
僻○壤○抱○殊○尤○之○才○而○湮○沒○不○彰○者○不○知○凡○幾○矣○可○勝○歎○哉○又○豈○
獨○詩○人○也○哉○